

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
JAVNA USTANOVA OSNOVNA ŠKOLA
„CENTAR“ TUZLA**

Broj: 02/ 899 /22

Datum, 31.08.2022. godine

Na osnovu člana 105., člana 108. Zakona o osnovnom odgoju i obrazovanju – prečišćeni tekst („Službene novine Tuzlanskog kantona“, broj: 10/20, 8/21, 11/21, 22/21, 5/22 i 10/22) i Odluke privremenog školskog odbora o raspisivanju Konkursa za izbor i imenovanje direktora na period od četiri godine u JU OŠ „Centar“ Tuzla, broj: 02/736/22 od 18.08.2022. godine, JU OŠ „Centar“ Tuzla, raspisuje

**KONKURS
za izbor i imenovanje direktora
Javne ustanove Osnovna škola „Centar“ Tuzla**

Raspisuje se konkurs za izbor i imenovanje direktora Javne ustanove Osnovna škola „Centar“ Tuzla na period od 4 (četiri) godine.

Opis poslova

Direktor škole rukovodi školom i obavlja poslove u skladu sa članom 111. stav (1) Zakona o osnovnom odgoju i obrazovanju – prečišćeni tekst („Službene novine Tuzlanskog kantona“ broj: 10/20, 8/21, 11/21, 22/21, 5/22 i 10/22)), kao i drugim važećim propisima kojima su određeni poslovi direktora osnovne škole koje imaju status javne ustanove, odnosno kojima je uređen sistem rukovođenja javnim ustanovama osnovnog obrazovanja na području Tuzlanskog kantona (dalje TK).

Opći uslovi

Kandidat za direktora škole mora ispunjavati sljedeće opće uslove:

- a) da je državljanin Bosne i Hercegovine,
- b) da je zdravstveno sposoban za obavljanje poslova direktora škole,
- c) da se na njega ne odnosi član IX stav (1) Ustava Bosne i Hercegovine,
- d) da nije osuđivan za krivično djelo,
- e) da nije kažnjavao iz oblasti privrednog prestupa i da mu nije izrečena zaštitna mjera zabrane vršenja poslova nastavnika, stručnog saradnika ili direktora škole.

Posebni uslovi

Pored općih uslova, kandidat za direktora škole, dužan je ispunjavati i sljedeće posebne uslove:

- a) da ima najmanje VII stepen stručne spreme, odnosno visoko obrazovanje najmanje prvog ciklusa Bolonjskog sistema studiranja,
- b) da ima najmanje pet godina radnog iskustva poslije sticanja odgovarajuće stručne spreme na poslovima nastavnika ili stručnog saradnika škole,
- c) da ispunjava uslove za nastavnika ili stručnog saradnika škole,

- d) da ima položen stručni ispit za samostalan rad na poslovima nastavnika ili stručnog saradnika škole,
- e) da ima program rada i razvoja škole za period na koji se imenuje direktor,
- f) da nije u skladu sa članom 87. Zakona o osnovnom odgoju i obrazovanju – prečišćeni tekst („Službene novine Tuzlanskog kantona“ broj: 10/20 i 8/21) nepodoban za rad s djecom,
- g) da nije član izvršnih organa političkih stranaka,
- h) da mu nije u posljednje tri godine prije dana objavljivanja konkursa bio otkazan ugovor o radu zbog disciplinske odgovornosti ili kojem je u istom periodu izrečena disciplinska mjera otpusta iz državne službe,
- i) da nema direktan finansijski ili drugi lični interes u Javnoj ustanovi Osnovna škola „Centar“ Tuzla, koji bi mogao dovesti do sukoba sa njegovom dužnošću direktora,
- j) da nije obavljao dužnost direktora dva uzastopna puna mandata u Javnoj ustanovi Osnovna škola „Centar“ Tuzla,
- k) da nije u posljednje četiri godine zbog svoje krivice bio razriješen dužnosti direktora neke od odgojno – obrazovnih ustanova,
- l) da u mandatnom periodu ne stiže uslove za odlazak u penziju shodno odredbama Zakona o radu („Službene novine FBiH“, broj: 26/16 i 89/18).

Za direktora škole ne može biti imenovano lice koje ne ispunjava opće i posebne uslove konkursa.

Potrebna dokumentacija

Uz prijavu na konkurs, koja sadrži kraću biografiju, kandidat je dužan dostaviti dokaze o ispunjavanju općih i posebnih uslova konkursa, odnosno sljedeću dokumentaciju (original ili ovjerene kopije ne starije od šest mjeseci):

1. Uvjerenje o državljanstvu ne starije od šest mjeseci,
2. Dokaz o posjedovanju odgovarajuće stručne spreme (diploma o stečenoj stručnoj spremi),
3. Potvrda/uvjerenje o radnom iskustvu, izdata od strane škole, da ima najmanje pet godina radnog iskustva na poslovima nastavnika ili stručnog saradnika,
4. Uvjerenje izdato od strane nadležnog suda da nije kažnjavan iz oblasti privrednog prestupa i da mu nije izrečena zaštitna mjera zabrane vršenja poslova nastavnika, stručnog saradnika ili direktora škole,
5. Uvjerenje o položenom stručnom ispitu za samostalan rad u oblasti obrazovanja, na poslovima nastavnika ili stručnog saradnika škole, ne starije od tri mjeseca,
6. Program rada i razvoja Javne ustanove Osnovna škola „Centar“ Tuzla, za period na koji se imenuje direktor,
7. Ovjerena izjava kandidata da se na njega ne odnosi član IX stav (1) Ustava BiH,
8. Ovjerena izjava kandidata da nije osuđivan za krivično djelo,
9. Ovjerena izjava kandidata da nije u skladu sa članom 87. Zakona o osnovnom odgoju i obrazovanju nepodoban za rad s djecom,
10. Ovjerena izjava kandidata da nije član izvršnih organa političkih stranaka,
11. Ovjerena izjava kandidata da mu nije u posljednje tri godine prije dana objavljivanja konkursa bio otkazan ugovor o radu zbog disciplinske odgovornosti ili kojem je u istom periodu izrečena disciplinska mjera otpusta iz državne službe,

12. Ovjerena izjava kandidata da nema direktan finansijski ili drugi lični interes u Javnoj ustanovi Osnovna škola „Centar“ Tuzla, koji bi mogao dovesti do sukoba sa njegovom dužnošću direktora,
13. Ovjerena izjava kandidata da nije obavljao dužnost direktora dva uzastopna puna mandata u Javnoj ustanovi Osnovna škola „Centar“ Tuzla,
14. Ovjerena izjava kandidata da nije u posljednje četiri godine zbog svoje krivice bio razriješen dužnosti direktora neke od odgojno – obrazovnih ustanova,
15. Ovjerena izjava kandidata da u mandatnom periodu ne stiče uslove za odlazak u penziju.

Pod ovjerenom izjavom podrazumijeva se izjava ovjerena od strane nadležnog gradskog ili općinskog organa, odnosno izjava ovjerena od strane notara.

Kandidat koji bude imenovan za direktora dužan je dostaviti:

- Ljekarsko uvjerenje nadležne zdravstvene ustanove (ne starije od 3 mjeseca) i
- Izjavu ovjerenu od strane nadležnog organa o odstupanju sa pozicije predsjednika ili člana Školskog odbora ukoliko je u tom momentu obavljao navedenu dužnost.

Nakon provedene konkursne procedure, Školski odbor vrši izbor i imenovanje direktora škole na period od 4 (četiri) godine, uz prethodno pribavljeno stručno mišljenje Pedagoškog zavoda i prethodnu saglasnost nadležnog Ministarstva, uz ocjenu dostavljenog Programa rada i razvoja škole za period na koji se imenuje direktor. Kandidat koji nije dobio saglasnost nadležnog Ministarstva ne može biti imenovan za direktora škole.

O rezultatima konkursa kandidati će biti pismeno obaviješteni u roku od 8 (osam) dana od dana donošenja Odluke o imenovanju direktora. Odluka Školskog odbora o imenovanju direktora škole je konačna.

Stupanjem na dužnost imenovani direktor zaključuje ugovor o obavljanju poslova direktora JU Osnovna škola „Centar“ Tuzla na puno radno vrijeme, koji u ime škole potpisuje predsjednik Školskog odbora ili drugo za to ovlašćeno lice.

Konkurs ostaje otvoren 15 (petnaest) dana od dana objavljivanja u dnevnom listu „Dnevni avaz“.

Nepotpune i neblagovremene prijave neće se uzimati u razmatranje.

Prijave na konkurs, sa traženom dokumentacijom dostavljati neposredno na protokol škole ili putem pošte preporučeno, na adresu škole:

Javna ustanova Osnovna škola „Centar“ Tuzla
Ulica Mirze Delibašića 14
75 000 Tuzla

Sa naznakom: Prijava na Konkurs za izbor i imenovanje direktora Javne ustanove Osnovna škola „Centar“ Tuzla

NE OTVARATI

Predsjednik privremenog Školskog odbora

Ervina Ibrić

